



Broj: 06-45-4631/22
Sarajevo, 17.05.2022. godine

Na osnovu člana 70. Zakona o organizaciji organa uprave u F BiH („Sl. novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine („Sl. glasnik BiH“ br. 39/14), nakon provedenog Konkurentskog postupka a na osnovu Izvještaja Komisije i Preporuke Komisije za javnu nabavku br. 05-45-4599/22 od 12.05.2022. godine, direktor Zavoda za izgradnju Kantona Sarajevo, **donosi**

ODLUKU

o izboru najpovoljnijeg ponuđača

1. Ugovor za „**Usluge čišćenja službenih prostorija Zavoda za izgradnju Kantona Sarajevo**“ – **e-aukcija**, u vrijednosti **13.455,00 KM** sa uključenim PDV-om, dodjeljuje se ponuđaču „**A&M Company**“ d.o.o. Sarajevo, obzirom da je u konkurentskom postupku javne nabavke podnio prihvatljivu ponudu sa najnižom cijenom, u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br. 39/14).
2. Ponuda ponuđača „**GLOBAL TECHNICAL SERVICE**“ d.o.o. Sarajevo se **odbacuje** u skladu sa članom 68. stav (4) tačka j) Zakona o javnim nabavkama BiH („Službeni glasnik BiH“ br. 39/14).
3. Obavezuje se odabrani ponuđač „**A&M**“ d.o.o. Sarajevo da dostavi tehničku specifikaciju usluga iz Aneksa 3 ponude, u kojem se svaka pozicija usluge umanjuje za isti procenat koliko iznosi konačno procentualno umanjenje ukupne cijene postignute nakon e-aukcije, te će na takvo umanjenje cijene ponuditi zaključenje ugovora u skladu sa članom 72. Zakona o javnim nabavkama BiH („Službeni glasnik BiH“ br. 39/14).
4. Ova odluka objavit će se na web-stranici Zavoda za izgradnju Kantona Sarajevo <http://zik.ks.gov.ba> istovremeno s upućivanjem ponuđačima koji su učestvovali u postupku javne nabavke BiH zajedno sa Zapisnikom o ocjeni ponuda broj 05-45-4600/22 od 12.05.2022. godine u skladu sa članom 70. stav (6). Zakona o javnim nabavkama.
5. Ova odluka stupa na snagu danom donošenja.

Obrazloženje

Na osnovu Odluke o pokretanju postupka javnog nadmetanja broj: 06-45-3778/22 od 19.04.2022 godine, Zavod za izgradnju Kantona Sarajevo je pokrenuo konkurentski zahtjev za dostavu ponuda, pripremio tendersku dokumentaciju, objavio Obavještenje o nabavci broj: 285-7-2-11-3-11/22, na portalu javnih nabavki i objavio tendersku dokumentaciju za „**Usluge čišćenja službenih prostorija Zavoda za izgradnju Kantona Sarajevo**“ – **e-aukcija**, na portalu javnih nabavki u skladu sa članom 55. stav (1) tačka d) Zakona o javnim nabavkama BiH („Službeni glasnik BiH“ br. 39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14, 53/15). Javna nabavka za „**Usluge čišćenja službenih prostorija Zavoda za izgradnju Kantona Sarajevo**“ – **e-aukcija**, objavljena je na portalu javnih nabavki 20.04.2022. godine.

Zavod za izgradnju Kantona Sarajevo uputio je zahtjev za dostavu ponude za „**Usluge čišćenja službenih prostorija Zavoda za izgradnju Kantona Sarajevo**“ – **e-aukcija**, slijedećim firmama: „Invictus“ d.o.o. Sarajevo, „OD Fresh“ d.o.o. Sarajevo, „ECOTIME“ d.o.o. Sarajevo.

Iz Izvještaja o preuzimanju tenderske dokumentacije od strane ponuđača, koji je sastavni dio ovog Izvještaja Komisije za javne nabavke, evidentno je da je tendersku dokumentaciju preuzelo 15 (petnaest) ponuđača, kao i koji ponuđači su preuzeli tendersku dokumentaciju.

Iz izvještaja Komisije i Zapisnika o ocjeni ponuda Komisija vidljivo je da se Komisija sastala dana 05.05.2022. godine, radi preuzimanja i otvaranja ponuda za **“Usluge čišćenja službenih prostorija Zavoda za izgradnju Kantona Sarajevo” – e-aukcija** koju su podnijeli ponuđači „A&M Company“ d.o.o. Sarajevo, „ECOTIME“ d.o.o. Sarajevo i „GLOBAL TEHNICAL SERVICE“ d.o.o. Sarajevo.

Komisija je otvorila ponude ponuđača i iz „Obrasca za cijenu ponude“ i „Obrasca za ponudu“ pročitala ponudenu cijenu ponude, dok su rokovi pružanja usluge, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala. Na otvaranju ponuda nije bilo ovlaštenih predstavnika ponuđača.

Komisija se ponovo sastala dana **05.05.2022.** godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih radova.

Komisija je konstatovala slijedeće:

1. Ponuđač **„A&M Company“ d.o.o. Sarajevo** je dostavio tehnički zadovoljavajuću ponudu i ispunilo sve uslove iz prava učešća propisane članom 45. do 52. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12. i 13. tenderske dokumentacije i dostavio sve potrebne dokumente u skladu sa tačkom 14. tenderske dokumentacije. Zbog svega gore iznesenog Komisija je zauzela stav da se ponuda ponuđača „A&M Company“ d.o.o. Sarajevo **prihvati**.
2. Ponuđač **„ECOTIME“ d.o.o. Sarajevo** je dostavio tehnički zadovoljavajuću ponudu i ispunilo sve uslove iz prava učešća propisane članom 45. do 52. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12. i 13. tenderske dokumentacije i dostavio sve potrebne dokumente u skladu sa tačkom 14. tenderske dokumentacije. Zbog svega gore iznesenog Komisija je zauzela stav da se ponuda ponuđača „ECOTIME“ d.o.o. Sarajevo **prihvati**.
3. Ponuđač **„GLOBAL TEHNICAL SERVICE“ d.o.o. Sarajevo** je dostavio tehnički zadovoljavajuću ponudu i ispunilo sve uslove iz prava učešća propisane članom 45. do 52. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12. i 13. tenderske dokumentacije i dostavio sve potrebne dokumente u skladu sa tačkom 14. tenderske dokumentacije. Zbog svega gore iznesenog Komisija je zauzela stav da se ponuda ponuđača „GLOBAL TEHNICAL SERVICE“ d.o.o. Sarajevo **prihvati**.

Nakon izvršene računске kontrole prihvatljivih ponuda, utvrđeno je da su ponude računski ispravne.

Računski ispravne ponude prema redoslijedu zaprimljenih ponuda (cijene bez PDV-a prije e-aukcije) dostavili su slijedeći ponuđači:

1. „A&M Company“ d.o.o. Sarajevo.....18.000,00 KM
2. „ECOTIME“ d.o.o. Sarajevo.....12.000,00 KM
3. „GLOBAL TEHNICAL SERVICE“ d.o.o. Sarajevo.....25.200,00 KM

Tenderskom dokumentacijom je predviđeno da se u predmetnom postupku javne nabavke u skladu sa Pravilnikom o uslovima i načinu korištenja e-aukcije („Službeni glasnik BiH, br.66/16) provede e-aukcija. E-aukcija za predmetni postupak zakazana je za dan **09.05.2022.godine u 13:00 sati** i ista je uspješno okončana. Prema rezultatima izvještaja o toku i završetku e-aukcije, sačinjena je konačna rang lista ponuđača koji su sudjelovali u e-aukciji u postupku javne nabavke **“Usluge čišćenja službenih prostorija Zavoda za izgradnju Kantona Sarajevo” – e-aukcija** kako slijedi (cijene bez PDV-a nakon e-aukcije)

1. **„A&M Company“ d.o.o. Sarajevo.....11.500,00 KM**
2. „ECOTIME“ d.o.o. Sarajevo.....11.928,00 KM
3. „GLOBAL TEHNICAL SERVICE“ d.o.o. Sarajevo.....25.200,00 KM

Nakon izvršene ocjene ponuda i okončanja e-aukcije Komisija predlaže ugovornom organu da se u skladu sa članom članom 68. stav (4) tačka j) Zakona o javnim nabavkama BiH („Službeni glasnik BiH“ br.39/14) odbaci ponuda „GLOBAL TECHNICAL SERVICE“ d.o.o. Sarajevo, odnosno u skladu sa drugim pravdanim slučajevima jer je cijena ponude nakon e-aukcije znatno veća od osiguranih sredstava, i da se u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14) ugovor za **“Usluge čišćenja službenih prostorija Zavoda za izgradnju Kantona Sarajevo” – e-aukcija, dodijeli** ponuđaču „A&M Company“ d.o.o. Sarajevo, za ponudenu cijenu nakon e- aukcije od 11.500,00 KM bez PDVa, (13.455,00 KM sa PDV-om obzirom da je u predmetnom postupku podnio najnižu cijenu prihvatljive ponude.

Komisija je sačinila Zapisnik o ocjeni i pregledu ponuda br. 03-45-4600/22 od 12.05.2022. godine koji je sastavni dio ove Odluke i koji se dostavlja svim učesnicima u predmetnom postupku javne nabavke **“Usluge čišćenja službenih prostorija Zavoda za izgradnju Kantona Sarajevo” – e-aukcija.**

Shodno navedenom Ugovorni organ je prihvatio Preporuku Komisije i donio Odluku kao u dispozitivu.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 500,00 KM i podnosi se Uredu za razmatranje žalbi

Prilog:

- Zapisnik o ocjeni ponuda

Pripremila: Amra Brčić, ing.grad.

Kontrolisao: Mirsad Okerić, dipl.ing.grad.

Belma Bartov, dipl.ing.arh.

DOSTAVITI :

1. „A&M Company“ d.o.o. Sarajevo ; e-mail: amcompanysarajevo@gmail.com
2. „ECOTIME“ d.o.o. Sarajevo ,e-mail: nabava@ecotime.ba
3. „GLOBAL TECHNICAL SERVICE“ d.o.o. Sarajevo; e-mail: info@gts.ba